

Emañ an enskrivadur d'an Diplom Studioù Keltiek evit ar bloavezh-skol 2020-2021 o paouez digoriñ.

An Diplom Studioù Keltiek (D.S.K.)

Ur stummadur gallek diwar-benn Breizh hag ar broioù keltiek an hini eo, digor d'an holl, kinniget gant Skol-veur Roazhon 2.

PUBLIK

Ar stummadur-mañ a zo bet ijinet evit klotañ gant ur publik ledan : an holl dud a fell dezho, dre abegoù a vicher, dre guriusted pe dre youl, donaat o anaoudegezh eus Breizh. Diplom ebet na vo goulennet evit en em enskrivañ : diouzh ar c'hoant hag al lusk nemeto a ziskouezo ar re a vo war ar renk e vo graet an dibab en o zouez. An dud divachelouriezh avat ne vefont degemeret nemet dre asant ur bodad tuta.

KELENNADUR

Lakaat a ra ar c'helennadur da anavezout ar broioù keltiek ; istor, douaroniezh, lennegezh, arzoù ha sonerezh Breizh, ha da dañvaat ar sevenadur vrezhonek. Kentelioù a vez ivez diwar-benn ar vuhez a-vremañ e Breizh war tachennoù an armez, ar gevredigezh, ar politikerezh.

En holl e vez 120 eurvezh kentelioù d'ar yaou goude merenn, etre Gwengolo - Here hag Ebrel - Mae.

AR GELENNERIEH

Ar gelennerien a zo ur pemzek den bennak anezho, arbennik, gouizie ha brudet, pe kelennerien a-vicher, pe tud a vicherioù all, bet choazet e-mesk ar re wellañ war o zachenn : Alan Botrel, Erwan Chartier-Le Floch, Cédric Choplin, Jacqueline Duroc, Gaël Hily, Mikaël Jouanno, Jean-Michel Le Boulanger, Ronan Le Coadic, Stefan Moal, Alain-Gabriel Monot, Vincent Morel, Jean Ollivro, François Prigent, Lionel Rousselot...

DANVEZ AR C'HENTELIOÙ

Lodet eo bet ar c'helennadur etre pemp tachenn vras, 24 eurvezh kentelioù da bep hini. An hini gentañ eo ar broioù keltiek anezhi. An eil a zo anezhi istor ha douaroniezh Breizh abaoe penn diwezhañ ar Grennamzer betek bremañ ; teuler a ra ur sell war ensavadurioù ar broviñs hag ivez war an emskiant a oa pe a zo c'hoazh gant ar Vreizhiz, hervez o c'horn-bro, da vezañ stag ouzh ar gumuniezh-mañ-kumuniezh. War an drede tachenn e vo klasket soubañ ar studierien e lennegezh, arzoù ha sonerezh Breizh. Roiñ a ra e galleg ar bedervet tachenn un tañva eus ar sevenadur brezhonek : lennegezh dre skrid (barzhoniezh, lavar-plaen) pe dre gomz : kan ha kontadennoù ar bobl, pinvidigezh ha liesseurted ar brezhoneg komzet. Er pempvet e vo kavet traou liesseurt : sokiologiezh, armerzh, politikerezh, un tañva eus ar gallaoueg hag eus sevenadur Breizh Uhel, ur sell war an darempredoù etre ar Vretoned hag an natur ; klasket e vo ivez ijinañ doare Breizh en amzer da zont.

Evit bezañ kelaouet a-zivout ar stummadur pe evit goulenn ur follenn enskrivañ :

SKOL-VEUR ROAZHON 2 - BUREV AR YEZHOU

Kampus Keryann - Savadur I - Burev i17bis - Plasenn ar Rektor Herri Moal - CS 24307 - 35043 ROAZHON CEDEX
+33 (0)2 99 14 16 07
sfc-bdl@univ-rennes2.fr

An teuliadoù enskrivañ a zo da vezañ kaset a-raok an 31 a viz Eost 2020.

Taolit evezh : serret e vo Burev ar yezhoù adalek ar 16 a viz Gouere betek ar 26 a viz Eost. Digor e vo endro d'ar yaou 27 a viz Eost 2020.

Peursellet e vo ouzh an teuliadoù enskrivañ gant ar bodad degemer etre an 31 a viz Eost hag ar 4 a viz Gwengolo 2020.

Frejoù enskrivañ : 660 € - Tud dilabour ha studierien : 415 € - Paet gant un embregerezh pe un ensavadur bennak : 1 120 €

Skrivet eo bet ar pennad-mañ gant Kendeskiñ.

Kendeskiñ a zo anv kevredigezh studierien an Diplom Studioù Keltiek anezhañ. Degemer a ra Kendeskiñ bep bloaz ar rummadoù studierien nevez enskrivet ; kinnig a ra d'an dud e-kerzh ar bloaz en em gavout evit abadenn pe abadenn digor d'an holl diwar-benn an hini-mañ-hini eus an danvezioù bet studiet er c'hentelioù.

kendeskin@kendeskin.bzh

www.facebook.com/KENDESKIN